

## ¡BOMBA!

Tras una multa ejemplar panistas, en sumisión, mujeres podrán abortar ¡respeto a la Constitución!



# K'untzil

Martes 23 de junio de 2026

CAMPECHE · YUCATÁN · QUINTANA ROO · AÑO 11 · NÚMERO 2751 · [www.lajornadamaya.mx](http://www.lajornadamaya.mx)

## U ajka'ansajilo'ob UNAME' táan u ts'áak u yóolo'ob ti'al u yutsil na'atiko'ob diversidad sexogenérica

U ajka'ansajilo'ob u noj najil xook Universidad Nacional Autónoma de México (UNAM) jujump'ítil u bin u maas táakpajalo'ob ti' uláak' cursos tu najilo'ob xok, ti'al u na'atiko'ob bix u yúuchul le ku k'aaba'tik diversidad sexogenérica ku yantal ichil u xoknáalo'ob, ti'al beyo' u tseliko'ob péech' óolal yéetel estereotipos láayli' yaane', beey tu ya'alaj Alejandra González Bazúa, máax ku meyaj ich Dirección de Educación para la Igualdad de la Coordinación para la Igualdad de Género

(CIGU) ti' le najil xooko'.

Ikil táan u máan u winalil Mes del Orgullo, a'alabe' ma' yanak mix máak u ya'al wa ma' u k'áat u kan uláak' ba'alo'ob yóok'lal diversidad sexual ichil u xoknáalilo'ob universidadi', ba'ale' kex beyo' maas ya'ab u bin u táakpajal ajka'ansajo'ob te'el tallereso'obo', ba'ale' tu káajbal, kex walkil jo'op'eel ja'abo'obe', ma' ya'ab máak ku táakpajali'.

Ka'aj a'alab láayli' yaan ajka'ansajo'ob ma' u k'áat u kano'ob ba'al yóok'lal disidencias sexogenéricas', tukulta'ab ku yúuchul tumen

ma' ya'ab ba'al ojéela'an yóok'lali', yéetel tumen ma' xan u k'áat u yojéelto'ob tu beeli'; ti'al túun u na'ata'al es que úuch káajak u kaxta'al ka chíimpol'ta'ak diversidad ti'al u je'ets'el xan páajtalilo'ob, u chíiikbesa'al ba'ax tu máansaj u jaats kaaja' tu máansaj ya'abach jela'antak ba'alo'ob ti' najilo'ob xook, ich kaaj yéetel ti' mola'ayob.

Kaambal ku beetik ajka'ansajo'obe', tu ya'alaj, k'aanan ti'al u béeytal u yantal túumben tuukulo'ob: "ma' chéen ti'al u na'atik máak bix yanik u

maas túumben tuukulo'ob ich jayp'eel disciplinas wa xooko'obi'. U ti'al xan u yantal uláak' bix u meyajta'al ka yanak u yutsil kúuchil ti'al u yúuchul kaambal, tu'ux ka táakbesa'ak tuláakal máak, ka yanak chíimpol'alil, xma' pech'oolal, xma' loobilajil, yéetel tu'ux ka péektsilta'ak u tojbe'en kuxtal kaaj".

Yéetel u nu'ukbesajil Programa de Actualización y Superación Docente, Alejandra González tu ya'alaj ajka'ansajo'obe' ku béeytal u mantats' tukultiko'ob ba'ax ku yúuchul ka'alikil xan u maas kaambalo'ob.

Lilian Hernández Osorio / [jornadamaya.mx](http://jornadamaya.mx)  
Oochel jusaeri

